

Sas dies de sa Mèrula



Sas dies imprestadas

Sas ùltimas tres dies de ghenarzu, su 29, 30 e 31, narant chi sunt sas dies prus fritas de totu s'annu, e las faeddant "Sas dies de sa mèrula".

Ma pro ite las faeddant gasi?

B'at contos meda de custas dies, ma cussu prus intesu est su chi narat chi una fèmina de Mèrula cun sas pumas nididas, pro s'arrundare dae su fritu de s'ierru cun sos fizitos, si nche isticheit intro de unu fumajolu pro 3 dies, nde esseit sa prima die de frearzu totu niedda che titone dae su fumadigu.

In Sardigna nch'at un'àteru contu, chi narat de unu pastoreddu chi, in un ierru non fritu meda, imbetzes de torrare gràtzias a sa bona sorte e a su mese de Ghennarzu ca aiat cuntzessu unu pàsculu bonu, si anteit e bufoneit custu mese, ca sigomente nche fiat giai su 29, pessaiat chi oramai esseret acabadu. A cussos tempos, su mese de ghenarzu nche acabaiat su 29. Ghennarzu ofesu e oliadu, pedeit a Frearzu, chi tando nche aiat 30 dies, de li dare in prètidu 2 dies pro iscarmentare su pastore. Frearzu atzeteit e Ghennarzu, impiteit sas dies prestadas pro mandare fritu e nie e pro li ochire totu sa roba. Bi restei solu una berbeche ca si fiat arrundada suta a unu labiolu, chi impitaiant pro fàghere su casu. A Frearzu non nche li torreint prus cussas duas dies, resteit de 28 dies, mentras Ghennarzu si nde manteneit 31.

**In Sardigna, sas dies de sa mèrula sunt connotas comente:
"Sas dies imprestadas".**